

張文定公四友亭集

張文定公四友亭集卷之八

七言絕句

一百三十五首

恭和

聖製三伏詩

八首

金火通靈向土中猶餘煩暑日
憧憧南風忽解吾民愠
賡罷薰絃仰舜衷

炎塵應不到宮中心切蒼生百慮
憧草屋清陰分殿閣
萬方誰不荷淵衷

相剋相生歲正中微金未掣火紛
憧九重一念蒼生悅
始信神機在帝衷

四山焚炙火雲中，祛暑無由意自慵。
鳴雨一番生夕爽，聖衷原自協天衷。

節序俄流六月中，人思迤暑日憧憧。
廟廊多少清涼客，憫念惟教切聖衷。

廿載鑾坡侍禁中，憫時嘗見聖心慵。
堯仁舜孝真無忝，一德純全自降衷。

炎赫如爐溽暑中，天邊飛鳥亦憧憧。
臣心欲汲滄溟水，盡洗煩熇愜帝衷。

大雲當午遍寰中，鄙屋何堪暑氣慵。
獨有蒼穹同帝德，一天涼雨慰宸衷。

未齋宅賞梅次日在詩招再賞不克赴次韻

觀梅去日尚書宅鼉鼓犀杯劇勸酬欲更登堂夜吹笛
恐教花落誤僊眸

次賞梅韻答汝湖

三首

開到北枝春欲半姿容如此若爲酬知君賸有和羹實
明月華星故看眸

一枝堂上清無敵佳興全憑酒盞酬飲到昏酣君莫笑
只今誰是獨醒眸

玉堂仙子梅爲侶無語春風有唱酬我亦江南瀟散客
爲渠尊酒洗塵眸

詠綠萼梅

殊花隊裏偏殊色萬紫千紅未足酬
春水洞庭回帝子
綠雲間處愜凝眸

詠紅梅

昔日君王飲西子暈生雙頰興方酬
可憐銀燭高烧處
徹夜尊前不瞬眸

哭陳宜山司徒

二首

憶醉瓊林三十年仁風猶自洽蛟川
經綸未竟身先死
空復 恩光賁九泉

去年同奉西陵役幾向斜陽坐栢陰
今日青山一垂涕

海天何處覓知音

輓同年張可齋少叅

三首

藥宿春風憶少年
聯鑣接袂日週旋
鶴游今夜不知處
明月華星空悵然

故人落落已殘星
立望天南海嶠青
聞說鳳雛毛羽別
看依韶舞入明廷

出處平生玉不瑕
十年詩酒暢南沙
稀齡鶴髮忽歸去
嶺外棠陰飛暮霞

竹石菊花圖

二首

石逕清風携滿袖
東籬秋夕坐食英
明時不作靈均

賦別有節韶協鳳鳴

莫以秋花名隱逸文章如錦闥雲霞清馨并入琅玕色
凌厲冰霜更幾家

詹事府錄事湯生母吳氏輓詩

二首

忽報天南沉婺輝燕臺游子泣無依風枝夜遶烏三匝
如有清霜六月飛

中路青鸞顧影心晚看雛鳳起雲林丹山一夜西風急
江漢欲迷烟雨深

送趙績溪

二首

風神清麗濯玻瓈更有文章照錦溪莫道凌雲心未展

鳳毛終自達天梯

發華中夜奪金星石照山前翡翠青
縣尹賢懷澄似水
溪頭駐馬問生靈

送綏德守韓文卿

鳳嶺迢迢拱碧簪
玉華清映石堂深
雲中自古稱廉范
竚聽賢聲滿塞陰

送胡肥城

廷召

二首

鳳凰山上鳳凰游
四野薰風正麥秋
下馬况逢膏雨足
坐聽湖海遍歌謳

千里肥城接帝畿
故人東去思依依
甘棠處處懷先

子遲爾勲聲復九圖

送易瓚之饒州司訓 二首

筆勢青年不可當
傳經今喜入鱣堂
斗山僊井輝叢玉
長嘯西風月色涼

西泉學易善風詩
今日家聲汝嗣之
好向鄱陽高振鐸
早携靈羽入天池

送陳體乾之順慶司訓 二首

攸江昔日艤樓船
冰玉輝輝映楚天
今夜一尊京國地
春風含淚話西泉

十載荆梁感舊游
送君西邁悵悠悠
巴渝弟子多英俊

猶記衰翁去日否

輓包子茂

次儼山
宮詹韻

衡水燕山落照中
旅魂何處駕長風
雲天泣盡孤兒淚
燈燼寒宵折寸衷

送周紹韓節推之建寧

二首

授簡當年倍眼青
最歡今日見雲翎
粵山燕水臨分袂
堤柳遙遙拂曙星

九曲溪流遶括蒼
烟花不斷四時香
郢江瀛海從龍

舊雲雨今看入建陽

紹韓之父詹事起自
皇上藩邸舊僚

送陳州梓之高郵

二首

司空孫子秀風神雲錦層霄霽色新南去維揚湖水濶
素心無處染緇塵

聞說東南歲屢災征徭日富倩誰裁且看獨鶴凌秋去
還俟雙鳧奏績來

送張廷珮受封南歸 二首

霽雪燕臺春事新錦袍初賜欲歸人風烟正屬賢京兆
來日觀光更幾巡

四明山下老神仙偶出人間自灑然歸向碧溪塵不染
籠光長照石窓前

金相士漢

毋說窮通必動人，荷卿書在轉堪嗔。
還須相到無形處，心上經綸別有神。

送王石沙侍御按閩 三首

清薰冠蓋下金門，一騎青驄萬疊雲。
明到閩山正秋色，玉簫吹向武夷君。

翔鳳樓前豸繡衣，吟鞭隨意指晨暉。
八閩烟瘴消無日，已見清霜六月飛。

甌粵溪山天下奇，雨餘澄碧映玻璃。
觀風莫憚盤紆甚，處處仙靈遲品題。

次韻答東橋大司寇新營息園 八首

避俗新營十畝園
渚烟溪月澹柴門
芒屨老去人爭席
邀取蒙莊與細論

鑿渠開圃石城西
嫩韭芽薑綠滿畦
濁酒不妨清晝飲
嘉蔬時帶白雲携

每將疎散謝欽峯
老入林泉類漢陰
風定水花澄晚色
日長潭影澹人心

花徑斜通宿雨香
竹籬晴逗午雲涼
博山烟盡日西下
惟見碧沙松影長

新布疎籬葦莢肥
閒鷗長狎海翁飛
幾人浮世能真息
鈎箔西臯坐夕暉

廊廟群公儗棟梁，留曹清暇卜林塘。由來吏隱身兼却，未數前人綠野堂。

有地都栽野草花，當飡撥飯與飢鴉。楓林半夜鳴孤鶴，夢落西湖處士家。

堂開青玉遶千竿，簾捲鍾陵入鏡寒。幽勝極知同魏野，倩誰圖向九重看。

儼山病新愈有詩見寄走筆答之

四首

禁雲藜火每相同，矮屋時披鶴駕風。十日違顏綠底事，欲携卮酒問規中。

病起緘詩寄甬東夫容，搖動鯉魚風。持盃莫漫驚弓影。

世事如花撒眼紅

病去精神便不同筆端隨意起雄風
啓關明日來東閣閒看浮雲大海中

鳳池麟閣佩下東老去何嗟
立下風文勢賢郎泉共湧

九霄看取狀元紅時儼翁乃郎應舉監試第一

東閣閱卷在桂翁製次韻六首

畫梁初燕午風時忽捧驪珠慰所思
知有化工歸熨理遽看紅艷簇繁枝

莫道看花已過時熨調寒燠係論思
舉杯高閣聊相問春在堦前第幾枝

清禁涼颺乳燕時美人相望更相思晨雲五色垂宮苑
徙倚金閨王樹枝

華袞朝端拜稽時縉紳中外愜瞻思上林雨露多瓊樹
應許鷦鷯借一枝

千載雲龍此一時豈宜輕作故園思請看霄漢輝輝羽
樓滿高岡樹樹枝

東垣齋閣罷朝時簾捲薰風有所思雲不須須嗟翠
會看霖雨澤枯枝

鍾石少司馬以所和桂洲苑中夜直紀事詩見

示次韻

六首

蕉園聽雨涼生髮短閣揮毫墨漲池喜起廢餘歡未畢
一燈吟到曉鍾時

雲垂宮苑雨飛飛金海祠深十樹圍此際輔臣劬露禱
九重傳旨慮霑衣

雲根移石擁蘭若雨後封泥養芋苗風致有餘生事足
任他吹帽髮蕭蕭

遊魚吞墨子雲池老鶴驚翻王露時秋盡幾盃桑落酒
月明三唱竹枝詞

碧山何意日來賓巧對芳園似擇人墩屬謝公名不朽
泉逢吳子號更新

小築亭臺玩物華
亂堆巖岫宿雲霞
鶯鶯黃動處如迎客
鶯序分時似放衙

銅城道中遇雪

曉發銅城景象新
雪花紛舞碧茵茵
黃沙日日昏風裏
乍喜彌天散玉塵

東第二首

老去迂疎百不宜
京華日日擬歸期
小居映竹兼臨水
莫嘆霜髯學著棋

逢人對面隔崑崙
四海真誰似弟昆
欲乞步兵無酒量
惟應一嘆老乾坤

東舜甫翁 二首

京華一見即開舟十載衷懷話未休
爲我水邊多種竹歸來首月上東樓

新構依稀綠野堂幾年辛苦累擔當
憑君別作巢松計開徑斜通五柳塘

送馮主事謫官嶺南 二首

二月城南宿雪明客程遙指嶺雲生
投荒萬里心無忤卧月三山夢不驚

拭目南宮五感情都門含淚看君行
烟花處處春相伴應有新詩寄玉京

送廖舟愚憲副提學山西 二首

十年京苑荷深知幾度詞章見陸離
別後不須頻問訊月明知在數峯奇

三晉諸生秀且雄泮林齊慶得師宗
參翔藝圃應華國追逐尊壘任折衝

過霸州 二首

舟廬成燼野僵尸誰擁 天朝十萬師
一日乾坤幾生苑路人惟說小錢兒

荒榛白骨古城陰流水寒烟痛可禁
縱是姦諛不識字未應生世獨無心

淮角樓

歷盡湖山興未降
袁宏何處倚吟艖
夜深淮角樓邊月
直照東南楊子江

高郵湖

如此湖中放小舟
比來天地一輕鷗
人生莫道風波惡
大地山河總是浮

白頭公棲櫻桃圖

金屋輝明十二樓
歌唇點點百花羞
神僊覓遍無留跡
可柰春風吹白頭

奉和叔父訪戴秉誠詩韻

四首

秋來孤負連日晴出門一飲千金輕潘家橋邊水深處
修竹娟娟如有情

浩蕩乾坤心與寬興來何地不追歡逢人但有尊中綠
處世無勞物外丹

買得幽居老樹陰破簷常被月華侵園田昨日新收芋
有客何妨坐夜深

探易高人最可憐每因相訪得幽玄人中合下渾無我
地上元來都是天

畫眉樓杏樹圖

雨過秦山杏子垂御園春色久離披可憐京兆渾無事

猶有閑情與畫眉

送張司理廷韶南還 三首

昨日辭家向京國，鶯花三月旅愁新。遣懷賴有吳門酒

無限春風對可人。

時予與廷韶同舟之京

文采翩翩過玉臺，薦書多少說君才。也知別有升騰日

五雨清薰且暫回。

黃梅雨過鳥偏啼，雲錦歸來日未遲。喜見康強雙白髮

弄孫堂上正含飴。

題畫贈徐子容太史歸省 二首

十年恩露鳳池身，歸覲湖南鶴髮親。烟樹樓臺涵鏡裏

王人元不下紅塵

相國門前湖水清，登龍人識使君名。芳尊夜月輝冰玉。

應有經綸與細評。

子容爲守溪先生
臂俱住西湖庭

午風亭

爲序菴太史
先生三首

青草池邊綠樹枝，晴空白日颺游絲。湘簾半捲飛花入。

正是午風吹客時。

午風亭上好詩篇，吟向風前自灑然。明日鳳凰池上地。

還將一首和薰絃。

幾度園亭陪列僊，僊家風月總無邊。如今獨向江湖遠。

回首瀛州思渺然。

美人寫情圖

睡起春懷強自禁
早應援筆寫煩襟
姿容已覺嬌無敵
莫遣愁多更捧心

輓奉川劉司訓 二首

京國昔年初識面
春風橋梓正敷榮
海天白髮今何處
斷簡疏櫺夜雨聲

孤兒疏縞淚痕多
驥足思馳更坎軻
吉水西風錢墨
諸生空自泣田何

題畫菜

謾說離蔬二十年
歸家還復墾山田
隱之牙頰長清苦

酸菜根來亦自然

先兄手植紫荆盛開 二首

露洗參橫紫玉新
輕風搖颺亦堪親
捲簾春色年年事
惟見花開不見人

手植繁紅二十年
年年粧點艷陽天
田郎一去鉅消息
洒淚東風獨黯然

承少叅西江先生見惠瑞香二本詩以謝之 二首

何事岩蜂早放衙
春風香散野人家
重重翠碧黃金繞
知是薇垣第一花

暖日游絲炷瑞香
山庄何幸染餘芳
竒花本是神仙種

來自仙家味更長

再謝菊 二首

湘江隨興解金魚歸葦洲明舊隱居
裘仲門前黃菊種
分將三徑被茱萸

長日虛堂對碧山
壯年先喜越塵閑
歸翁莫怨無萊婦
會有名花好伴閑

輓栢軒族祖

湘江哀謠攬愁腸
嶺樹千重淚
兩行歸覓履
綦無舊迹
一簾芳草映池塘

春景圖

舉世何人是子期春林徐步日斜時還家莫把枯桐破
流水高山亦故知

夏景圖

長日虛亭映碧山涼風吹樹玉珊珊劉棻應悔拏舟晚
金薤憑將滿載還

秋景圖

梁父吟成意獨雄白雲紅樹正秋風時來便逐轟雷去
今是滄江暫蟄龍

冬景圖

謫仙樓瞰楚江濱萬木瓊瑤照眼新
忍記玉堂游衍日

不知人世有埃塵

題畫竹 四首

平生性僻愛簞簞特下湖南泛楚航
解組歸來頭未白
清風應自滿瀟湘

昔年曾倚碧琅玕
霄漢風高正署寒
下筆驪珠光映骨
一時人作鳳毛看

君家庭院少塵埃
帶雨將鋤破綠苔
種得三竿兩竿竹
開門只放子猷來

昨過黃州上竹樓
九疑峯下雲悠悠
不知何處瀟瀟雨
亂洒湘江一片秋

夏至日東樓即事

次惟靜林韻
二十二首

無情花對有情人情到忘時總是春鷺下池塘窺伺急
燕銜芳草往來頻

相逢莫問是何人且共壺中麴米春寄語西隣舊知己
來過百遍未爲頻

晝靜高樓望美人傷心何日更陽春秣陵山色吳江水
碧樹斜陽感興頻

千人人上萬人人剛領乾坤一掬春細數漢朝并六代
英雄屈指未能頻

薰風池館絕行人一軟金罍滿面春乍入茨盤魚鮓劇

誤衝蛛網蝶驚頻

一自東風別美人可憐孤負此青春
江籬未采盈衣袖
欲寄無由洒淚頻

從來天地少閒人
勘破塵中處處春
綠黍田邊青草路
傍人莫笑冶遊頻

數盡飛花不見人
玉壺芸閣坐來春
鳥無忌色窺簾入
雲弄清光轉樹頻

萬軸牙籤寄昔人
分明心迹幾千春
薰風短榻悠然卧
夢與羲皇晤語頻

悠悠南國想佳人
觴罷瑤池幾度春
賦得祗招天路隔

臨風空憶雁魚頻

鳴蜩何處已驚人
雲暗青山不見春
更恐秋風容易發
回天遙憶魯陽頻

江鄉六月旱愁人
禾黍平時不繼春
已限蜚廉狂縱極
雨龍湏起莫辭頻

萬子書成不遇人
遲遲芳草獨傷春
不知何處鍾期耳
解向牙琴探領頻

長白山中苦學人
晨昏齋粥十經春
雲霓一日出山去
四海蒼生引領頻

湖南三載謫仙人
幾度江花感暮春
綠髮已憐渾病骨

君王莫恠乞骸頻

岩築莘耕豈異人翻身一舉萬方春訓謨千載昭如日
誰向青宮獻納頻

少小相期到古人磋砢三十七年春曉來剛道塵機息
猶自虛窓愧復頻

堯夫心訣受誰人獨領先天不盡春猶有潛夫荒徑底
衡門深掩絕常頻

龍起玄間便澤人歸來幽洞却私春升天下地無留跡
唯見風雷鼓震頻

仲蔚門前無故人湖山竹樹但餘春爐烟日午薰簾幕

時聽黃鸝喚友頻

林下今真見一人薰風傾盡玉壺春平生出處應無恨
何處孤舟拍浪頻

金殿當年侍聖人仙桃親挹九重春風波一失身千
里愁對巫山暮雨頻

張文定公四友亭集卷之八

張文定公四友亭集卷之九

七言絕句

一百二十一首

贈且翁叔

四首

衡門蕭洒似陶家吟遍江湖兩鬢華
五柳不禁風瑟瑟
畫輸秋色與黃花

東園添箇碧琅玕欲與西隣老阮看
喚取床頭新竹葉
共酣明月五更寒

深林曲徑長苔錢心遠由來地亦偏
每歲秋風瓜芋熟
不須親種鹿門田

去縵枯桐漉酒巾似陶居裏似陶人
黃梔花發山窓曉

先通幽香入近隣

次質甫弟韻

六首

每爲思君懶上臺池塘春草獨徘徊歸舟忽礙槎川曲
風雨連床又幾回

帶海禁江古粵臺君來曾向此徘徊西風欲變王孫草
爲問何年蕩子回

荆江烟樹幾年情最喜西津見小程恠底相逢又相別
登樓遙望闔閭城

報主慇懃弱歲情培風千里信雲程玉京天上神仙
府十二瓊樓映五城

孤禽飛倦且歸休，欲向盧家問莫愁。猶是承平無事日，
捫心高閣望神州。

未合強年便乞休，山窓誰識杞人愁。身遠漢闕三千
里，心在虞封十二州。

題畫大

西風回首憶山林，野草疎花意不禁。明日荆王游獵罷，
屬車多少載犧禽。

題畫猫

千家萬家都畜猫，猫不在時百恠贖。寰中饕餮復不少，
要得王魚長立朝。

狼攫雀

飛飛走走各有適黃雀乃使狼麕得征禽有翼須九霄
莫更栖栖向蓬籬

兔

昔年攀桂領秋風見爾天門第幾重明日玉堂歸視草
請君來即管城封

次韻谷惟靜叔寄興之作

二首

新搆衡茅一兩間軒窓睡起不勝閑湘簾暮捲薰風細
坐數天南片片山

火龍南下海雲晴抱甕年年歎此生但得

君王解無逸不妨辛苦老昇平

贈別賈甫從弟 二首

湖頭欲別問歸期
儒雅風流似子稀
幾日對床歡未足
暮雲秋草思依依

知君客邸定思鄉
嶺樹江雲鴈幾行
我亦故園無一事
清風三逕憶裘羊

送李巨川 二首

君去蒙遊誰可同
明山烟樹鑑湖風
湘江愁客如昨日
萬里蒼梧夕照中

舜水仙舟此暫同
百壺清酒片帆風
黃童幾處歌遺德

都在甘棠蔽芾中

草虫扇圖

郊牧秋生淡淡烟幽花香草總依然微虫不解悲離別
吟向城南思婦邊

題畫

碧峰高處是天台楊柳森疎映綠苔滿地午風塵不到
杖藜行過石橋來

聞張應辰於中秋夜醉眠石橋

玉泉亭子攔長川星月光涵上下天吸盡百壺人不見
更誰能解石橋眠

中秋月下獨坐

疎星淡漢浸長江
鈇笛聲中白鴈雙
月不負人人負月
桂香浮露冷軒窓

題木芙蓉

芙蓉江上玉無瑕
霜信來時殿百花
不似東園桃李樹
春深無面對烟霞

輓西庄二首

雲邊花鳥樹邊溪
都屬詩翁舊品題
明月去來人不見
數聲猿鶴暮山西

西庄門掩草萋萋
上有黃鸝語翠微
五柳花飛春雪暗

斜陽惟見白雲歸

登鄧峯望海題育王寺上塔

記得當年黃鶴樓
凭闌閑看漢江流
鄧峯今日層霄裏
幾點青山海上浮

為裘景文妹丈題畫

四首

北堂四月萱花生
半捲湘簾畫景晴
游子他年歸莫晚
薰風多少倚門情

曾辭金馬下湖湘
莫遣傍人笑似狂
一點赤心君識取
由來何地不傾陽

此是仙宮第一枝
千人頭上手携之
滿前秋景誰爭得

高步風清月朗時

御園風色暖紅塵走馬天街捷有神美酒一壺春萬斛
澹香濃露滿衣巾

明歌

次李嵩渚
韻十首

襟江帶海越王州三十六峯環石樓絕壤萬年無戰馬
平疇千頃散耕牛

斲罷松苓洞口香張衡梅福舊山鄉桂花石首黃金色
何處季鷹愁夕陽

遠分龍節大洋瀕曾辱前朝翰墨身子固無詩猶有恨
天教洛客賦陽春

曾乘海舸泛洪波
補陀洛迦山外過
儂是張騫第幾葉
星槎應許問羲娥

鳴鶴場西峯插天
鑑湖春暖水生烟
紫芝猶產黃公墓
明月誰乘賀老舸

蠶蟬州裏勝中原
已自隋唐歷宋元
傍水鮎崎浮蜃氣
如山倭舶艤蛟門

秦始求仙下越州
畫舸彌月寄東流
金鱗玉粒佳山水
忘却咸陽集鳳樓

家世衡茅罌胆湖
湖灘香稻給樽壺
不應昏醉在空谷
欲儼王公石作徒

方郎歸欵偃天兵盡洗翁山島嶼清高麗琉球千屬國
大嵩觀海百金城

玉几山南甬水春琅玕芝草絕埃塵時人只解揚州好
未說明州好向人

除夜述懷

歲暮羈魂倍黯然白雲遙望漢江邊想應今夜懷遊子
坐數祁陽路二千

白溪道中

春午烟銷日色開碧溪清淺鳥飛迴沿流小艇輕於葉
卧看青山片片來

十日春風逆草芽竹根纖笋列平沙巖巒立倚清溪瘦
上有孤梅橫數花

送王侍御清戎 二首

湖南尺藉久紛然蛇鼠縱橫自昔年明月一輪懸漢水
清霜千里肅蠻烟

岳陽去五百里鄂渚自雄黃鶴樓登眺忽來廊廟客
望中應感昔人憂

王孝子

夢迴殘月想容輝風物淒淒淚滿衣野燒不傷賢孝志
墳廬于柳自依依

雙烈婦

雙烈婦原上恨無依慘淡寒風白日西身世百年廿一死
悲啼不作杞梁妻

寄竹溪周道士

悔不當年着羽衣緇塵終日傍輪蹄美人自住山深處
明月清風滿竹谿

望歸山

婦寺忠言未可依女嬃來意豈盡非西風立望巴河水
千載湘纍負姊歸

丁丑十一月五日歸州阻風

時自荆劍
回司八首

朔風江上阻歸船五日爲期六日愆黃鵠山椒寒似水
白頭燈下夜如年

玉雪孤懷每自憐塵中冰鑑竟誰懸祗應上有天翁識
又遣畫簾打客船

燭淚偏依客淚垂客心未與燭心灰顛風不禦垂天翼
雲路還須任往回

巴河一出路三千輕葛登途敝緼旋莫道苦心無識者
中天明月正高懸

清齋應比太常多午夜思親亭幾何途路阻修寒暑易
更無心及采藍歌

日日瞻雲思轉深
鵠行歌罷欲抽簪
盡船銀燭風波裏
自撫平生孝養心

羈懷寂寂捲簾頻
日午口饗告乏薪
欲撥土囊迴噫氣
危途又恐逆來人

洪濤日夜鼓雷霆
履道誰能顧險夷
不是倚門心正切
肯將蹤跡爲身悲

題萬里長風卷

燕臺極目想鄞江
江上奇峯洞八窓
誰拂峯前一片石
長風萬里促飛幢

送葵軒叔祖之南京二首

吳越山川路不賒秣陵西去亦吾家
儀曹舊熟過庭禮
菽水今供膳部茶

青龍山遶鳳凰臺二月烟花處處開
官舍曉鍾清夢醒
白雲千里度江來

寄質甫客嘉興

每日呶唔聞北隣別來尊酒爲誰春
五臺山外雙溪水
欲買吳船一問津

欲訪景文親執不果

西江望望似天涯欲訪裘羊嬾問槎
一榻午樓清夢醒
春風吹老杜鵑花

謝新甫惠筆

中書君老指揮難吳穎傳來斗柄寒
明月道經歸尺素白鷺先送近隣看

謝質甫惠筆

二首

自許回春在筆鋒
禿翁無力意徒濃
東隣獵得中山物
乞向池頭起螯龍

惠連別後少新詩
風雨床頭感舊時
搦管今朝忽千首
張家潭作謝家池

寶珠茶

一名鶴頂
丹六首

濃於錦綺大於盆
天女何年費巧裁
似怕春花羞妬甚

一枝先向歲寒開

萬紫千紅總不如山堂寒日大鋪舒
纖姿艷色庭階晚
未到陽春春有餘

光景今朝愛殺人
殷花白雪相鮮
新老梅江上無顏色
尺五盆中占斷春

曉月江城春欲生
乾坤無那雪縱橫
梅花却也潛蹤跡
讓與山茶獨自爭

積雪庭墀火一拳
眼中無事鬧喧喧
群英此日無消息
獨與乾坤領大元

滿院翻飛白羽翰
一枝紅艷玉闌干
想應天女渾無事

特地粧成鶴頂丹

題畫

四首

杖藜今日還何處，只在蒼苔白石間。
許大乾坤群動裏，也應容我一身閒。

昔人糟粕我經綸，萬卷幽廬思入神。
樹碧山青頭半白，拄筇終日看秋旻。

塵世紛華了不關，西風束手鬢毛斑。
傍人莫道生涯少，屋下流泉屋上山。

愛飲修箋解掃塵，野翁長自擬神人。
一揮毛扇山河裏，豈是尋常林下人。

爲方立夫題畫松

庭院君家苦不深
我來偏得洗塵襟
襟炎蒸六月坐終日
消受徂徠百丈陰

次屠東明韻

長途何幸得方舟
柳帶鶯簧處處柔
柔淮酒一尊人似玉
東風渾洗客邊愁

三月清江共客舟
人情春色兩溫柔
年來識取浮生事
自許眉端不掛愁

歌風亭

次陳希孟韻

漢家事業今何在
萬古乾坤見此亭
人世幾更陵谷變

臨風猶似挹威靈

曉發龍坑

汀沙敲浪攪愁眠
月落村墟幾樹烟
自起推蓬看風色
鳴鷄茅店又開船

中秋夜泛江

彈絲八月下黃州
獨占人間萬頃秋
江漢直通天漢轉
星槎應已達牽牛

重登黃鶴樓

曾見神仙跨鶴回
高樓明月共徘徊
十年江漢重修約
萬里長風破浪來

入臬司有感

一官曾寄楚江濱，別去湖山又幾春。
石鏡亭深栢臺古，重來無復舊時人。

過岳陽

瘡痍八月遍南州，懶向岳陽登舊樓。
范老不知何處去，江湖誰共說先憂。

城陵磯阻風

五首

西風嫋嫋洞庭秋，擬上瞿塘潦未收。
翹首鄉關不知處，滿江烟雨獨維舟。

兩月辭家路未遑，欲行不得心悠悠。
滄江坐厭白頭浪。

青鏡還慚浪白頭

衝風湖口泊樓船
怒浪中宵但熟眠
行止不勞人計較
陰晴明日又占天

瓣香江上訴湘靈
莫更淹人宿洞庭
舉目高山與流水
援桐欲寫有誰聽

霧雨朝昏天柱峯
却慚湘水吊來重
靈均一去魂何處
數盡征鴻漫采葑

江上偶述

山城月出鴈飛鳴
一別佳人歲屢更
細數平生無愧色
坐看江水鑑空明

峽口瞻雲

行盡荆南又問津
夢魂時度甬江濱
秋風峽口瞻雲地
揮淚空懷易播人

姊歸山憶亡妹

阿妹青年在九原
我生空復憶嬋媛
姊歸山下游人淚
不待瞿塘夜聽猿

南沱

扁舟峽口又南沱
黑石青灘涉歷多
莫道越人初到蜀
少陵詩裏幾經過

巴陽峽

自荊州至萬縣七十二灘

巴陽峽口望周溪疊石層厓處處竒聽盡灘聲七十二
大觀還許上峨眉

始食川魚

行李蕭蕭一束書西來寧爲食無魚獵車未應非熊珥
慙愧姜公罷釣餘

青衣渡

少小携書向木天江湖流落已強年桑弧不負男兒志
直到青衣古渡邊

送胡叔明東還

四首

可羨黃金賈犇奔百臺天自遣留現夜添千重宵旰也

日剖郢筒對可人

自是仙家第一流，每從藥裏見神樓。
錦江目送青牛發，碧海心懸紫氣浮。

冰姿瀟灑在風塵，浣水驚看翰墨新。
見說熊羆春入夢，親闈歸抱石麒麟。

天涯頻望海雲飛，梓國行看棗萼輝。
亦有倚門人萬里，登山臨水送君歸。

璠龍山

二首

先說蟠龍萬丈高，雨中登眺却忘勞。
飛泉亂洒千巖雪，都入黃陵作怒濤。

李上風門第一巔有輿百轉始捫天雲間霽色小織塵息
一顧長空萬玉聯

德陽觀孝泉有感

家住東南萬里天鴻書不至又經年春風匹馬旌陽地
愧飲姜詩舍外泉

龐公墓

遺風千載仰孤高三尺荒墳映野蒿漫說身亡還食力
路人相薦只溪毛

岳池縣分司後有黃楊二本赴任時與亡妻王
孺人觀之明年再過此孺人歿百有二十日

美泣賦三絕三月二十三日也

寒宵燈火憶盤桓抱病相隨蜀道難
最苦重來雙淚眼
春風依舊樹團團

重經廣安州分司悼亡

石梯堂背倩人扶立倚闌干
憶舅姑今夜月明風露冷
珮環猶到此山無

曉發廣安

四月一日雲冥冥曉放扁舟
篆水經面面青山逐江轉
捎蓬急雨混灘聲

過叻灘

十折番舸下一灘暗崖明石吼驚湍眼看蜀道難如此
忽憶飛車駕角端

登蓬州江山一覽樓

二首

樓閣重開竹樹深碧山雲日半晴陰美人何處音塵隔
白髮江湖獨滯淫

花滿山城燕子飛映江春樹轉斜輝白雲東去八千里
杜宇數聲人未歸

嘉魚阻風雪贈縣令虞東厓

五首

三日大風如怒雷曉看飛雪暗江來尊中美酒爐中炭
都費南嘉令尹裁

十載重樓漢水濱，舜妻堯女豈無神。
迴飈急雪淹三日，指點南陵見可人。

金華自昔多才彥，江上逢君又出群。
莫嘆眼前風浪惡，濟川舟楫正如雲。

瓊龍何必勝皇陶，典樂明刑各有曹。
聽取呻吟變歌頌，誰云州縣職徒勞。

呼卿問鴈昔何人，子在嘉魚獨苦辛。
甫抱江河蘇涸轍，漁翁莫謾下絲綸。

南嘉對雪 六首

雲暗江天混不分，消蓬急雪亂紛紛。
孤舟野渡迷昏曉

惟有濤聲飽聽聞

微陽子半欲升騰急雪寒雲萬壑冰坐撫玄機推物理
人心復後貴嚴凝

洞庭衡嶽共氛氲七十一峯惟片雲墮地瓊瑤如解珮
好於何處問湘君

歷盡西行幾百灘灘聲日夜使心寒來到南嘉六千里
還聽飛浪打江干

天涯幾度獨霑衣兩視躬扶萬里歸高浪拍天行未得
隔簾愁對雪翻飛

水國天寒飛雪花占年何必太交加雲師風伯莫漫逞

多少無衣卒歲家

還自西川望見黃鶴樓

徘徊三楚幾經春
西蜀歸來兩鬢新
羽翼未生波浪濶
西風空見鶴樓頻